

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 20. sjednici, održanoj 19.05.2023. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za Udruženja/Lovačka društva u 2023. godini

I.

Usvaja se Program utroška sredstava Budžeta Zeničko-dobojskog kantona za Udruženja/Lovačka društva u 2023. godini, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), ekonomski kod 614300 - „Tekući transfer udruženjima“, u iznosu od 60.000,00 KM (slovima: šezdesethiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona za 2023. godinu u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da realizuju ovaj zaključak svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/23.
Datum, 19.05.2023. godine
Z e n i c a

PREMIJER

Amra Mehmedić

DOSTAVLJENO

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM
utroška sredstava Budžeta Zeničko-dobojskog kantona za registrovana
Udruženja/Lovačka društva na području Zeničko-dobojskog kantona za
2023. godinu**

Zenica, maj 2023. godine

Podaci o Programu

Program je usvojen: na 20. sjednici Vlade Zeničko-dobojskog kantona održanoj dana 19.05.2023. godine

Ukupna vrijednost Programa: 60.000,00 KM (slovima: šezdesethiljada konvertibilnih maraka)

Namjena Programa: Unapređenje rada Udruženja/Lovačkih društava sa područja Zeničko-dobojskog kantona

Korisnici Programa: Registrovana Udruženja/Lovačka društva sa područja Zeničko-dobojskog kantona (u daljem tekstu: Korisnici)

Izvor sredstava: Sredstva su planirana u Budžetu Zeničko-dobojskog kantona za 2023. godinu, Ministarstva za poljoprivredu, šumarstvo i vodoprivredu, „Tekući transfer udruženjima“, razdjel 23, budžetska organizacija 01, potrošačka jedinica 0001, ekonomski kod 614300, („Službene novine Zeničko-dobojskog kantona“, broj: 3/23).

Odgovorna osoba: Vinko Marić, ministar

I UVOD

Unapređenje rada registrovanih Udruženja/Lovačkih društava na području Zeničko-dobojskog kantona koja su osnovana sa ciljem da rješavaju pitanja vezana za poslovanje njihovih članova u oblasti lovstva, a koji će indirektno doprinositi unapređenju lovstva na području Zeničko-dobojskog kantona.

Programom utroška sredstava Budžeta Zeničko-dobojskog kantona za registrovana Udruženja/Lovačka društva na području Zeničko-dobojskog kantona u 2023. godini (u daljem tekstu: Program) određuje se godišnji iznos sredstava za transfer i dodjelu sredstava.

II ZAKONSKI OSNOV

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), opredijeljena su sredstva na poziciji „Tekući transfer udruženjima“ u ukupnom iznosu od 80.000,00 KM (slovima: osamdesethiljada konvertibilnih maraka), od kojeg iznosa je za Udruženja/Lovačka društva opredijeljen iznos od 60.000,00 KM (slovima: šezdesethiljada konvertibilnih maraka).

Članom 37. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), propisano je da će se budžetska sredstva na poziciji „Tekući transferi i drugi tekući rashodi-budžetska sredstva“, „Tekući transfer udruženjima“, koristiti prema programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog Zakona.

III CILJEVI I SVRHA PROGRAMA

Cilj programa je da se unaprijedi i osigura što kvalitetniji rad Udruženja/Lovačkih društava kroz finansiranje i/ili sufinansiranje projekata i aktivnosti u njihovom radu i djelovanju a koji će indirektno doprinijeti unapređenju lovstva na području Zeničko-dobojskog kantona i to:

- zaštita, održavanje i poboljšanje životnih uslova za divljač u lovištu (poboljšanje ispašišta, dodatno hranjenje, održavanje solila i pojilišta),
- dostizanje i održavanje odgovarajuće spolne i starosne strukture pojedinih vrsta divljači u okviru utvrđenog kapaciteta lovišta,
- unošenje novih vrsta divljači u lovište,
- čuvanje i zaštita divljači i lovišta,
- izgradnja lovno-uzgojnih i lovno-tehničkih objekata,
- preduzimanje mjera za smanjenje šteta koje počinu divljač,
- stručno osposobljavanje kadrova,
- izrada planskih dokumenata,
- naučno-istraživački rad u lovstvu,
- nabavka rasnih lovačkih pasa,
- izdavačka djelatnost.

IV KRITERIJI ZA RASPODJELU SREDSTAVA

Kriteriji za raspodjelu sredstava planiranih ovim Programom opredjelit će se Korisnicima prema općim i posebnim kriterijima.

1. OPĆI KRITERIJI

Opći kriteriji za raspodjelu sredstava su:

- a) registracija u skladu sa Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02) i izvršiti sve promjene u skladu sa Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije Bosne i Hercegovine“, broj: 61/02),
- b) da Korisnici imaju sjedište na području Zeničko-dobojskog kantona i da su najmanje godinu dana od dana apliciranja za sredstva upisani u registar udruženja/saveza kod nadležnog organa,
- c) organiziranost i broj članova Korisnika,
- d) broj članova koji učestvuju u realizaciji projekta/programa,
- e) da Korisnici svojim radom unapređuju rješavanje pitanja iz oblasti lovstva,
- f) ekonomska ili društvena opravdanost projekta,
- g) da su izmirili sva dospjela poreska i druga dugovanja prema Zeničko-dobojskom kantonu,
- h) da su izmirili dospjele poreze i doprinose za zaposlenike,
- i) ekonomsko-finansijsku sposobnost Korisnika.

2. POSEBNI KRITERIJI

Posebni kriteriji za raspodjelu sredstava su:

- a) projekat/program koji doprinosi uspješnoj osposobljenosti lovčuvarske službe-nabavka opreme za lovočuvarsku službu (terenska vozila ili druga oprema),
- b) projekat/program koji doprinosi zaštiti, održavanju i poboljšanju životnih uslova za divljač u lovištu izgradnjom lovno-uzgojnih objekata (pojila, hranilišta, solila, spremišta za hranu, automatske hranilice i sl.),
- c) projekat/program koji doprinosi čuvanju i zaštiti divljači i lovišta održavanjem i izgradnjom lovno-tehničkih objekata (čeke, kolibe, staze, hladnjače za divljač, lovačke kuće, lovački domovi i sl.).

V NAČIN UTROŠKA SREDSTAVA

Podršku ostvaruju Korisnici koji ispunjavaju opće i posebne kriterije propisane ovim Programom i Uputstvom. Uputstvom ministra Ministarstva za poljoprivredu, šumarstvo i vodoprivredu će se utvrditi postupak, potrebna dokumentacija, obrasci i drugi relevantni podaci.

Sredstva planirana ovim Programom dodjeluju se na osnovu javnog poziva koji će raspisati Ministarstvo za poljoprivredu, šumarstvo i vodoprivredu koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), kako je to utvrđeno u članu 47. Zakona o izvršavanju Budžeta Zeničko-dobojskog kantona. Javni poziv će, u skladu sa tačkom 23. c. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 15/18), sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe sredstava. Obrazac za prijavu programa ili projekta biće sastavni dio javnog poziva i isti će obavezno sadržavati procjenu efekata učinka koji se postižu realizacijom istih.

Ministarstvo za poljoprivredu, šumarstvo i vodoprivredu, nakon što Vlada Zeničko-dobojskog kantona donese odluku o odobranju sredstava po ovom Programu, zaključuje ugovor sa Korisnicima koji su izabrani na javnom pozivu. U slučaju nepoštivanja odredbi ugovora Korisnici sredstava su dužni izvršiti povrat sredstava i neće moći ostvariti pravo prijave na javni poziv naredne godine.

VI IZVJEŠTAJ O UTROŠKU SREDSTAVA

Korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2024. godine. U slučaju da Korisnici doznačenih sredstva ne dostave narativni i finansijski izvještaj o utrošku sredstava za odobreni projekat/program do ostavljenog roka neće biti prihvaćeni za finansiranje programa/projekata u narednoj fiskalnoj godini.

Broj: 02-_____/23
Datum, 19.05.2023. godine
Z e n i c a

PREMIJER

Amra Mehmedić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.